

# VEIVUTUNI KEI NA VEIVOSOTI



Lesoni 10, Jiune 6, 2026

“Kevaka eda sa  
vakatusa na noda i  
valavala ca, sa  
yalodina ka yalododonu  
ko koya me bokoca na  
noda i valavala ca ka  
vakasavasavataki keda  
mai na ka kecega sa  
sega ni dodonu”

(1 Joni 1:9)



Na I Vola Tabu e kaya, “ni sai valavala ca ko ira kecega na tamata ka sega ni yacova na ka e vakarokorokotaki kina na Kalou” (Rom. 3:23).

E kaya talega vei keda ni da sega ni rawata me levea se kauta tani noda I valavala ca (Jer. 13:23; 2:22).

Ia na Kalou sa rawata me vosota noda I valavala ca. E sega ni I valavala ca me sega ni ni vosota rawa ena kena I vakatamera (Isaiah 1:18).

Ia e dua ga na kena gaunisala: veivutuni.



**Veivutuni:**

 Berabera ni veivutuni

 Veivutuni dina

 Tuberi ki na veivutuni



**Veivosoti:**

 Na yalololoma ni veivosoti

 I sulu ni veivosoti



# VEIVUTUNI



# BERABERA NI VEIVUTUNI

"A sa vosa ko Jisu, ka kaya vua, I Marica, ko sa lomaocaoca, ka veinanuyaka na ka e vuqa" (Luke 10:41)

Ena vale nei Lasarusa, e tukuna kina o Jisu e e so na veika bibi, yaga ena noda vakabulai. Ia ko Marica e sega ni vakarorogo tiko. E sega na nona gauna. E sa rui levu na veika me cakava! (Luke. 10:40-41).



Na veika oqo e yaco talega vei keda. Ni da sa I valavala ca, ka vakamaduti kefa tiko na Yalo Tabu me da veivutuni, o Setani sa qai vakaososotaka na noda bula, lomaocaoca, se so tale na I dre ka tarovi keda mai na noda vakananuma na noda bula I valavala ca kakerea na veivosoti.



Ia na Kalou e sega ni guilecavi keda. E gumatua ni qarai keda (Isikeli 33:11). E vakatauvatana noda I vala vala ca kei na I sulu qeleqelewa (Isa. 64:6). E gadreva me vakaisosomita - ka: noda I sulu qeleqelewa kei na nona I sulu savasava (Saka. 3:4), sulu ka savai ena dra I Jisu (Vtkila. 7:14).



# VEIVUTUNI DINA

**“Me da mai lesu vei Jiova: ni a ia na veidresulaki, ka sa na vakabulai keda talega ko koya; sa ia oti na veiyaviti, ia ena vauca talega ko koya na noda mavoa.” (Osea 6:1)**

**Duidui na Na cava na veivutuni? Na cava na kena duidui na veivutuni dina kei na veivutuni lasu? (2 Koronica 7:10)**

**Yaco e so na veika sega ni namaki ena vuku ni valavala ca, sa dau kauta mai na lomabibi. Eda madua ni sega ni tini vakavinaka. Kevaka beka me a sega na veika ca e kauta mai, ke da a sega ni yalo rarawa ena vuku ni veika eda cakava. Oqo e SEGA ni veivutuni dina.**

**Na I valavala ca ena kauta dina ga mai na rarawa, kei na gagadre levu me da vosoti (sega ni vakatautaki tale ena veika ca e kauta mai), sa solia na gauna me da veivutuni dina.**

**Ni da cakava na I valavala ca, na Yalo Tabu e “dresulaki keda” ka “vakamavoataki” keda ena ena rarawa bibi. Kevaka eda sotava ena veivutuni dina, na Kalou e vakabulai keda, ka vosota na noda I valavala ca (Osea 6:1).**



# NA KACI NI VEIVUTUNI

“O Koya mo dou qai veivutuni ka saumaki mai, me bokoci kina na nomudou I valavala ca, me yaco kina na guana ni vakacegu mai na mata ni Turaga.” (Cakacaka 3:19)

O Joni na dauveipaitaisotaki kei Jisu erau tekivutaka na nodrau veiqaravi ena duavata na I tukutuku: “Veivutuni” (Maciu. 3:1-2; 4:17).

Na cava e bibi kina na veivutuni? Ke sega na veivutuni, e sega ni vosoti nai valavala ca (Acts 2:38; 3:19). E yaco vakacava oqo?

Ena vuku ni nona vinaka, na Kalou sa kacivi keda ki na veivutuni (Rom. 2:4)

Eda rogoca na nona kaci ena

Kalou e vosota noda I valavala ca ena vuku ni dra I Jisu sa dave ena kauveilatai (Kolosa 1:13-14)

Veivutuni dina ena vuku ni ca eda cakava oti

Vakatulewatak a dina me biuta na I valavala ca

O na raica ni veivutuni kei na veivosoti sa dau liutaki keda ki na vakavoui: a veisau ni valavala me da sa muduki noda kitaka tiko nai valavala ca (Joni 5:14).



# VEIVOSOTI



# NA LOLOMASAVU NI VEIVOSOTI

“Ena vuku ni yacamuni Jiova, Mo ni kakua ni cudruvi au ena vuku ni noqu I valavala ca; ni sa ka levu.” (Same 25:11)



E sega ni dua na ka e vakasaurarataka na Kalou me vosoti keda. E sega ni dua na ka eda kitaka rawa me da vosoti rawa kina. Na Kalou e vosoti keda ga ena nona lolomasa-vu; ena loloma tawavakaiuyalayala. E vosoti keda ga ena nona “vinaka ka vakarau tu me veivosoti, ka ni sinai ena loloma” (Same 86:5; raica Lako Yani 34:6-7).

Na nona loloma sa yaco me soli koya kina me mate ena kauveilatai, ka me sauma na dinau ni valavala ca ka sega ni rawa me da sauma (Efeso 2:4-5).



Ni da kauta mai noda I valaval ca ki na ruku ni kauveilatai, e sereki keda o Jisu mai na I colacola ni I valavala ca ka bikai keda tu. (Iperiu 12:1-2)



# NA YALOLOMA NI VEIVOSOTI

“Ena vuku ni yacamuni, Jiova, Mo ni kakua ni cudruvi au ena vuku ni noqu I valavala ca; ni sa ka levu” (Same 25:11)

Na cava na I sema e koto vei rau na I valaval ca kei na loloma?

## KEDRAU I SEMA NA I VALAVALA CA KEI NA LOLOMA

Roma 5:8

“ni da sa tamata ca”

“sa mate na Karisito me noda I sosomi”

Roma 5:20

“ni sa levu cake na I valavala ca”

“sa uasivi cake vakalevu sara na loloma”

Roma 5:21

“gumatua na I valavala ca ki na mate”

“gumatua vaka talega kina na loloma... ki na bula tawamudu”

Roma 6:23

“sa I sau ni valavala ca na mate”

“sa I solisoli ni Kalou na bula tawamudu”



# NA I SULU NI VEIVOSOTI

**“A sa kaya vua, Noqui tau, e vakaevei ni ko sa curu mai kike ni sa sega vei iko na I sulu ni vakawati? A sa vagagalu ga ko koya.” (Maciu 22:12)**



Na nona I Soqosoqo Lotu ni Kalou—ka vakina ko ira vakayadua na lewena—era vakaisulutaki “ena lini matailalai, savasava ka lumilumisa” ka “sega ni tauvi duka, sasalukiluki se dua na ka e vakakina” (Vakatakilav. 19:8; Efeso 5:27).

Na lini matailalai e I vakaraitaki ni “nodra yalododonu na tamata yalosavasava” (Vtkla. 19:8b). Ia na yalododonu oqo e sega ni nodra vakataki ira; e solia vei ira ko Karisito (Vtkla. 7:14).



Ni rau sa I valavala ca o Ivi kei Atama, rau sa qai ubia nodrau luvaiwale ena nodrau cakacaka ga. Ia e rau okata me rau luvaiwale ga ena mata ni Kalou (Vtkvu. 3:7-10). Na I sulu ka vakarautaka na Kalou e I vakaraitaki ni sulu ni vakawati” ka solia o Karisito ki vei keda: na nona Yalosavasava ka ubia noda I valavala ca (Vtkvu. 3:21; Same. 51:7-10).

Ena sega ni dua e lako ki lomalagi ke sega ni tokara na I sulu ni oya (Mt. 22:1-14).



**“O koya ena yaco me Luve ni Kalou sa dodonu me na ciqoma na dina ka rawati kina na veivutuni kei na veivosoti ena veisorovaki nei Karisito. Ni sa vakadeitaki oqo ki vua, na tamata ivalavala ca sa dodonu me gumatua ena cakacaka ka salavata kei na veika sa caka ena vukuna, kerekere ki na i dabedabe ni loloma ena masumasu e sega ni ceguoca, me sobuta na lomana na kaukauwa dau veivakavoui ni Kalou. O Karisito e vosoti ira ga era veivutuni, ia ko ira ka vosoti, sa cakava taumada ko Koya me ra veivutuni.**

**E taucoko nona veivakarautaki ka votai ki vei ira vakayadua era vakabauta na yalododonu I Karisito. Na I sulu saulevu, sega ni tauvi duka, ka soli mai lomalagi, sa vakarautaki tu ki na tamata i valavala ca ka veivutuni.”**